



Despaxu N.º 9 /Dezembu/ANAS, I.P./2021

Despaxu Aprovasaun Programa Kontrolu ba Kualidade Bee

Konsidera katak Dekretu-Lei no. 31/2020, 26 Agostu kona-ba Kontrolu Kualidade Bee ba Konsumu Umanu estabelese kritéria ne'ebé mak define rekizitu esensial kualidade bee ba konsumu umanu ho objetivu proteje saúde umanu husi efeito adversu tanba kontaminaun, dezde fatin kaptasaun to'o distribuisaun iha torneira konsumidór sira-nian.

Konsidera katak no. 1, artigu 4 husi Dekretu-Lei no. 38/2020, 23 Setembru ne'ebe kria Autoridade Nasionál ba Água no Saneamentu, Institutu Públiku (ANAS, I.P.) atribui ba ANAS, I.P. kompeténsia hodi propoin, akompaña no asegura ezekusaun polítika nasional iha domíniu rekursu ídriku, hodi garante jestaun sustentável no integrada, no mós supervizaun no fiskalizaun setór servisu ba abastesimentu públiku bee, saneamentu rezíduu urbana no rezíduu sólidu urbanu.

Konsidera katak ANAS, I.P. ho kompeténsia previstu iha Dekretu-Lei no. 38/2020, 23 Setembru katak ANAS, I.P. mak autoridade ba efeito jestaun rekursu ídriku no jestaun saneamentu iha Timor-Leste.

Konsidera katak ANAS, I.P. presiza institui kontrolu kualidade bee ba konsumu umanu liuhusi Programa Kontrolu Kualidade Água (PCQA) previstu iha artigu 7 husi Dekretu-Lei no. 31/2020, 26 Agostu.

Konsidera katak no. 1 no no. 2, artigu 7 husi Dekretu-Lei no. 31/2020, 26 Agostu, BTL E.P. apresenta PCQA ba ANAS, I.P. nu'udar Autoridade Kompetente ba setór rekursu ídriku no saneamentu iha 30 Setembru iha kada tinan.

Konsidera katak ANAS, I.P. notifika BTL, E.P. atu entrega ba ANAS, I.P. PCQA 2022 liuhusi karta ho númeru referénsia 148/ANAS – IP/L30101/2021 ho data 13 Agostu 2021.

Konsidera katak BTL, E.P. submete ba ANAS, I.P. PCQA 2022 liuhusi karta ho númeru referénsia 363/Gab.P.BTL, E.P./IX/2021 ho data 30 Setembru 2021.

Konsidera katak BTL, E.P. hala'o apresentasaun iha Sede ANAS, I.P. iha 14 Outubru 2021 hodi rona komentáriu husi tékniku ANAS, I.P. relasiona ho submisaun PCQA 2022 iha 30 Setembru 2021.

Konsidera katak BTL, E.P. hala'o resubmisaun PCQA 2022 ba ANAS, I.P. iha 9 Novembru 2021 liuhusi karta ho númeru referénsia 420/Gab.P.BTL, E.P./IX/2021 ho data 9 Novembru 2021.

Ho baze ba kompeténsia previstu iha no. 2 no 3, artigu 7 husi Dekretu-Lei no. 31/2020, 26 Agostu konjuga ho alínea j), no. 2, artigu 5 husi Estatutu ANAS, I.P., Dekretu-Lei n.º 38/2020, 23 Setembru no alínea l). no. 2, artigu 4 & alínea p), no. 1, artigu 13 husi Dekretu-Lei no. 38/2020, 23 Setembru, *ha'u aprova Programa Kontrolu Kualidade Água (PCQA) ba 2022* submetidu husi BTL, E.P. haktuir a). mapa aneksu ho formatu A3 no b). Adendu komentáriu nesesáriu relasiona ho PCQA 2022 aprovaudu atu BTL,E.P. tau iha konsiderasaun.

Díli, 9 Novembru 2021



Domingos Pinto
Presidente no Diretor Ezekutivu, ANAS, I.P.

